

地. 340. 225
41
1~12

桂平縣志



圖整庫

桂平縣志

桂平縣志

粵東編譯公司承印

民國庚申粵東
編譯公司排印

桂平重修縣志叙

桂平粵右大邑也其地廣百五十里袤三百七十里人口四十萬昔在漢代為布山阿林兩縣唐析置皇化大賓羅繡常林與布阿兩縣為六分隸潯繡二州其區畫之密如此以視夷壤羈縻土州襲據遠殊矣而志書之作自乾隆前道光後無聞焉此非往代文化之遲亦非近年士夫不以文獻為重也攷古志地者所務在山川方域風俗物產而已唐之元和郡縣志始涉及古蹟宋太平寰宇記則兼及人物藝文自是作者踵武輒用總志之類目為專志分門故言郡縣志者斷自宋始然多起吳越之間元明而後諸省始互相仿效桂平

桂平縣志

序

粵東編譯公司承印

者潯州首邑也潯州自明迄清數百年間志修八次

按潯志自明崇禎

二前清康熙七年知府張爾翮修為三次三十三年教授何文防公修為四次乾隆二十年知府胡公修為五次道光緒八年知府夏公修為六次同治十二年知府魏公修為七次諸邑事咸藉登載而桂平官紳每以首邑之故先預提挈并多紓其杼柚夫既盡瘁於全郡之鉛槧自無暇於營一邑之纂修惟乾隆間連江吳公樞亭來任縣治為欲

周知一邑之事山川方域咸列丹青戶口財賦日陳几案積錄成帙可資志料因利乘便加以修飾遂獲成書取名資治圖志其始固非為志作而志卒因之閱七十年長山袁公琴池來任去道光五年知府孫公修府志時不過十餘稔而復

修縣志蓋因孫志之畧而不備而欲以縣志彌其憾也按魏

志叙云胡志失之繁孫志失之畧繁之失小畧之失大今致

孫志之作去吳樞亭作桂平縣志時已五十餘年而列傳人

無物僅增會陞遠一人徒志以其生年月日與其重修縣志或不

已得然則吳袁兩公之作固各有其因不能以他方之遲早爲

例而與乾隆前及道光後之以府志爲志者抑又情事差殊

者矣暨辛亥改革溥治久廢府志已無庸再修而自清代光

宣以來邑中新政迭興如學校實業自治之屬咸爲諸郡邑

先驅又往日金田一役魏府志多書缺有間夏府志亦以多

所忌諱或詳或隱閱者猶未滿懷其中亟當補志者不少至

於賢能師儒文學與夫男女節義貞孝之行出於見聞可傳

桂平縣志

序

二

粵東編譯公司承印

可法者更難湮沒抑無待論也則紀載之事視吳袁兩公時
又豈可同日語哉丁巳秋余來忝知縣事聞前任黃君東園
設局修志草創未成余思竟厥業謀於縉紳父老咸爲興起
樂與綢繆始也局困於資人牽於事繼乃資與人集規模既
定余卸職而去今重宰是邦書已告成是非余之功乃前余
而來者之善爲倡後余而至者之善爲繼而邦人君子奔走
採掇有始有終其心力之爲尤難沒焉爰弁言如右若夫志
書與吏事相關則永淳古君捧之已序及之不復贅時民國
九年夏正庚申秋九月也知桂平縣事南昌李本銘序
志名最古孟子滕文篇引志云喪祭從先祖是也而方志之

名則見於周禮外史氏掌四方之志誦訓氏掌道方之志以詔觀事然其書無攷至漢書則有地理志而非專書也唐李吉甫始爲郡縣志遍載十道不限一方宋朱長文乃有吳郡圖經羅願有新安志實爲各府縣志之權輿自是以後作者漸衆不能盡錄蓋治化愈進則地方之情形愈悉而記載亦愈詳自然之勢也攷桂邑志書之作始自乾隆戊子先賢吳公樞亭定名資治圖志蓋欲有所資以爲治即按圖而可知并望後之官斯土者顧名思義稽故實而措之宜其旨弘矣越七十年道光壬寅復有先賢袁公琴池踵而修之先達黃公雲涓主任纂修畧變體例易名桂平縣志書成於洪楊金田

桂平縣志

序

三

粵東編譯公司承印

起事之前七年時地方漸形不靖故書中於練團防盜諸政三致意焉其致治未亂保邦未危之意灼然可見雖易名縣志猶是資治之意也歷咸同光宣以至民國又復七十年矣及今不修則無徵不信前任黃君東園有見及此爲倡行修志謀諸搢紳長老僉以爲不可緩乃聘邑紳程先生子良主任纂修雖以人事無常滄桑屢易而卒底於成己未秋予由陸川調桂得受讀終篇於土地政事人文俱能綜本末要始終復以橫議之披猖懼斯文之將喪於國粹聖教及仁孝清貞之俗咸褒揚而羅舉之其銳意於詳人所畧蓋將爲趨鶩新風而鄙薄舊俗者作回頭之岸撫卷反復不覺古今去來

之在前比之樞亭琴池兩作有過之無不及也抑又聞之修史者必採夫各志故論者謂讀通志不若讀郡志讀郡志不若讀縣志君子以爲知言今是書在桂平旣爲信志推之天下後世卽可爲信史矣余承乏斯邑無補於志聿觀厥成遂叙言如右民國九年春知桂平縣事永淳古濟勳謹識

邑志重修經始於丙辰春間前縣長黃公東園捐百金開局於潯陽書院委紳勸捐襄事屬余總纂余不獲已爲發凡起例以遣采訪諸事方草創而捐資猝未集度支垂匱屬國會重開余亟赴都局遂散丁巳秋縣長李公佑臣蒞事續籌設局因余未歸以總纂事乞於黃少瀛先生先生以老病辭時

桂平縣志

序

四

粵東編譯公司承印

各門漸有分纂仍苦資盡比余歸而局已散戊午春縣長屬余竟前緒余鑒於初次之開局而後勸捐欲速不達稍休以待資集復值幼兒痘折未能強抑於懷瘍結右肘握管多艱遲至八月局始復開其年冬十一月分纂稿脫局亦以資盡而散余乃携稿東粵將總纂待刊自嫌采訪多畧或又以楊蕭韋石諸人不立傳難饜人望已未暮春余復歸邑重訪而五齡弱女陔爾中暑而亡情緒益惡愴然復東甫卸裝忽遭劇瘡居數月吾家端門來促曰志猶未可刻耶余答以無資端門曰吾先支出後取償於衆衆不能償則請同邑之仕於兩粵者爲之助不亦可乎余然其言而同邑諸君子亦慨助

不吝余乃檢閱各稿參証羣籍舊聞或誤各爲訂正訪錄有缺時爲補詢或事非局例所容則爲增設類目自去冬迄今春增且刪謄而印者什之九旋牽鄉事重翻舊瘡日月幾何東江戰起涉夏徂秋颯驚羊石余乃避亂於番禺南村主門人鄔慶時家旣斷風鶴且遠賓朋遂獲從容成書全行付梓計五十九卷一千二百五十二頁約五十餘萬言夫天下事因易而創難昔陳穀亭先生爲吳令修資治圖志立言無多而慘淡經營歷數寒暑而始成事在創也黃雲湄先生爲袁令纂修舊志旣藉吳志以爲基復有新出孫修府志以爲之助采掇不煩故閱數月而稿脫事在因也今茲之作文三倍

桂平縣志

序

五

粵東編譯公司承印

兼值世變見聞是非遠異乎昔故綱目更張創多因少遂歷五稔始克出版然除去中間停擱日月積計纂修者僅歲有餘而已以言完善吾斯未信至於蹉跎幸免焉矣其分纂與經理及捐助題名已著卷首卷末不具書民國九年夏正庚申秋九月程大璋記於番禺南村草堂

例言 二十四則

一全書纂修義例已分見於各類序文中今以餘旨未盡爲補列於後

一舊志有二種一爲乾隆間吳志縮之資治圖志二爲道光間袁湛業之桂平縣志吳志書與板俱已燬沒袁志板亦燬而書存民間僅得一部始欲師范書續班書之例於舊志所已有者略而不錄恐新者存而舊者佚迺以舊志爲底本而增修之以期自漢開邑以來百里文獻久而可徵仍名桂平縣志一切紀載斷至己未年止

即民國八年

一舊志成於道光二十三年

舊志後做此

迄今七十有餘稔中

桂平縣志

例言

一

粵東編譯公司承印

經咸同間之大亂重以光宣間之新政事蹟既繁則門類比舊宜增第恐其紛而無緒因倣鄭獻甫象州志例而略變通之分五大綱曰紀地曰紀政曰紀事曰紀人曰紀文其餘細目另有專篇茲不備錄

一紀政即象志紀官紀事即象志紀故官義苦狹故義嫌泛因易名政事以求該切

一清儒論修志者有兩大家戴東原務詳沿革章實齋亟崇文獻蓋載長於經章諳於史故所言殊旨如此其實兩者俱難偏廢而舊志於沿革一門寥寥十數行文簡而事脫今別爲創作其中亦有援引原文者仍爲注明以示異同

不苟

一歷代建置遺蹟廢自清朝者入古蹟其爲民國所罷者仍分載於各類中而孰存孰圯並爲注明

一近代學者喜談金石舊志缺如理宜彌憾今以諸碑書體稱善者列古蹟中其名山摩崖及壇廟題額苟屬名流遺蹟無論字數多寡咸爲訪錄金屬自銅鼓而外如鐵柱銅鑪諸物造自明朝以前者亦爲考載此在本境志例無異大輅椎輪其中不免挂漏世有永叔明誠當資而諒之

一古之志地者旨在經邦治民故山川風土特詳自宋而後喜載名勝體非不善然承其流者揚之太甚則志乘同於

桂平縣志

例言

二

粵東編譯公司承印

文學類書論者病之今立義務廣凡地上所載善美兼取善者利用美者陶情用泰西哲說匪獨山川物產城署校院爲然至如橋梁之屬論者多志在表揚建置而今以其與水潦經入道路來去村市位置切合故訪冊所有輒不輕棄以備閱者作思憶聯貫之助又如古蹟中古墟古埠古村之類亦各志罕見茲以其關於民族遷徙可供舊事參稽故亦列之非同支蔓

一紀地以地爲範圍桂平爲潯首邑府治在焉故凡有建置無論爲府爲縣皆載之爲其在桂平地內也紀政則以政爲範圍非屬於桂平者宜勿載惟潯陽書院藏書樓書籍

爲三十年內地方文化所自出今府制旣廢潯志難望重修記載之責舍首邑誰屬故備錄其目俾後之理文教者得所依據以稽其存佚又有潯州學田潯陽書院膏火田在桂平境內者宜入紀地爲便於統核起見列入紀政田賦中俱屬變例不得已也

一桂平在漢爲布山阿林兩縣屬鬱林郡有唐頌宦績養奮賢良酈道元水經注於鬱水流經布山條稱其同軌同文金鉉廣西通志論潯州風俗云漢谷永吳陸績勉之以詩書禮樂宋明道伊川風流廣被士子益翕然向學全郡如此首邑可知而舊志於學校制度僅及清世難饜人望若

桂平縣志

例言

三

粵東編譯公司承印

云斷代爲書何以職官人物溯及漢代將謂歷朝學制已具詳史部無煩重贅則其在清朝者亦已見於皇朝通考諸書何不一概畧之或因前代有獠獠亂事疑從前民俗未脫夷風文化難言斯尤非是攷廣西諸蠻最古者爲烏潯蠻里

里

一作

儂

儂

烏潯在交趾郡西蠻里在九真徼外自

漢時已多向化其地俱不在布山阿林域內此外有獠人出梁益之間至唐代始來攻桂州桂州者今之桂林也德宗貞元十年有黃蠻洞首領黃少卿等陷欽廉潯貴憲宗元和十二年爲容管經畧使陽旻克復距貞觀開元設學立教之日已有百年其族出自西原接連雲南大理至宋

有儂智高亦其族類據廣源作亂侵及潯州不久敗滅餘
若南丹撫水亦現於宋代而俱未涉及桂平縣境而陳坦
然梁穆諸賢且踵起矣時有祝穆作方輿勝覽云潯州民
純政簡多業儒又云鬱江東注溪蠻洞獠不際其境民之
從化豈徒然哉此蓋實錄也

或以迄以附唐無考因疑文化自六朝
不知有於邊壤至唐之中正揀時於貴族京邑試士人應舉須
乞憐州吏始蒙介薦也觀於宋代鄉試既與憑文取解而少
非因其時之無學核也觀於宋代鄉試既與憑文取解而少
登科無起尤其明微之不然則在漢而有養自唐以前豈有
唐反無起尤其明微之不然則在漢而有養自唐以前豈有
州郡至宋樂史太平寰宇記始載人物而僅賴府志而傳
宋後始興桂平自清乾隆以前邑中僅賴府志而傳
多府志亦自明代始作去唐世缺益以貞元所同又聞必

桂平縣志

例言

四

粵東編譯公司承印

桂平爲然矣書中風俗門有盜種
種族致而詞有未盡重詳於此 若夫獠人爲漢之五溪

蠻其踪跡在今湖南北常澧辰沅荆宜各郡邑間魏晉時
率族北遷唐宋而後始蔓延嶺外元世潛由柳州融縣侵
入平南明洪武八年始有藤峽之亂而學校選舉之在明
代者則灼然可考蓋獠人遷徙無常不能以其地之有無
其族定其文化之深淺故今編學制沿舊志職官人物之
例斷自漢始其文出於舊志或舊志缺略者仍爲叙明以
存其跡惟戶口兵防郵電田賦稅課祭費祿餉之屬隨時
地而異其制則著錄必以於見府縣各志者爲斷與記學
制殊例

一桂平屠捐因清末設立練勇四哨而起當時養民練不得不捐民歛此實一時權宜之計然名之爲捐則非國家經制與稅課迥然不同始欲刪去不錄旋以所入既鉅行之且久亦邑內一椿大事豈可不載之以明其原委今以案語附於稅課之後當亦關心桑梓者所願覽焉

一舊志風俗僅詳節令原非尙簡蓋自漢至清二千年間六藝之文五倫之教與夫冠婚喪祭起居飲食早已九州同風細節或殊大體無別詳之或嫌於贅若在今日則俗隨政變教隨俗易始萌孽於海疆漸浸淫乎內地目前以爲陳言者他年將以爲奇聞古事故舊志所畧俱爲補錄時

桂平縣志

例言

五

粵東編譯公司承印

代既殊則記載之詳略亦異遠識之士當謂知言

一風俗內言語一門爲舊志所無而他方作者多有茲例但其所務在同中求異往往名本古雅因聲轉稍遠不窮其

源遠代以別字或爲造新字以炫異聞

如番禺人曰獠而俗謂平人曰獠

不知獠之爲老謂子曰獠而不知子字舉是故言者非異音之字有楚辭可証如是之類不可枚舉

而述者而今所述則在異中見同凡境內語言聲音僻異

爲南北官語所無而淵源於周漢古書者畧爲証明其所自出一以便於學校教師疏通古訓一以見國內無論何方多屬言之有文文依於古則文合而語言之分者可因文以求合

科學名詞爲古今方音所無者不在此例

文離乎古則文分而語言

易合者因文而更分世之爲文學者始欲廢古語從方言
繼又欲廢方言從國語未免好勞拳拳之意實與他方異
撰惟時促不能多述但祇隨意舉錄仍望閱者補所不逮
一桂平兵事自漢及隋間有紛擾皆隨起隨滅惟唐德宗貞
元間被黃蠻洞首自遠來陷歷二十餘年前見爲時雖久而
占地猶未廣也至明大藤峽猺始洪武迄嘉靖屢征屢起
騷擾及於兩廣而終不及金田一役據有長江南北頡頑
清朝之大其事爲世人所欲聞然志爲桂平而作故事亦
以桂平爲限今以道光二十六年洪秀全等拜會於紫荆
山起至咸豐元年八月由新墟趨永安止其未趨永安以

桂平縣志

例言

六

粵東編譯公司承印

前清軍自桂林遠來與戰雖未入邑境者亦爲述及以期
一邑內事始末瞭然金陵首領以楊韋蕭石秦陳諸人爲
最著別入列傳不入紀事範圍

一方志列傳與國史所作寬狹殊途昔孟子論善士有鄉國
天下之分以此爲推則省志所錄人物行事當寬於國史
縣志又當寬於省志故上者貴乎文簡事賅不然則與其
文略而事佚毋甯文繁而事備蓋文繁者千年後猶可代
修事佚者百年內已難追溯孰得孰失無待煩言

按志傳
病畧文

史通義己言之再三要其大旨不外物言行去取寬嚴當
於史志畧則史更難得其詳而人物言行去取寬嚴當
於此乎志體大小則未及今列論
今篤循斯旨不敢自鳴

高簡致幽光沉沒若有以孔父題墓魯哀作誅相責實病

未能祀尋亦玩他志傳文每多失畧雖名宦鄉賢已奉旨入

事實列如居鄉則曰公平正直作吏則曰卓有政聲無

其始蓋由子孫抽於文辭不能填報及纂修時棄去則傷德

知列傳體例拾得數語漫爾及纂修時棄去則傷德

男女殉義一事已足千秋暨婦女守節年例相符則不必

其平昔有別善可書亦須入志始已次第列表後嫌奪篇

幅因以類附各傳之後錄其名氏注明為某年某事而死

及守節年歲非徒省簡冊而閱者因類以稽亦稍便焉

一列傳事蹟少而官階多為史學家所詬病而是編因選舉

桂平縣志

例言

七

粵東編譯公司承印

表載登選各人出仕有傳者俱注云職銜詳傳以因造表時

易占篇幅故設為斯例彼略則此詳例無一定是在智

者觀其會通

一紀文為象志所無其說云章實齋論修志欲於藝文專門

外別增文徵一門謂藝文只載書名文徵可收衆作殊不

知志地方何與於選文字彼果有關於地方利病建置名

勝已細注於各門各條之下其他作家名篇當於本人傳

中及之豈必以刊志者代人刊集耶云云按章鄭兩家之

論各有是非夫方志者史部支流如章氏言則以文徵一

門廣收衆作以脩志任選文厠史部於集部於例為不純

然如鄭氏言以各文細注於各門各條之下詳之則卷帙
厚薄割配為難略之則全豹未窺無殊判事之家毀改憑
証何以昭信來哲又若諸家書目有傳者自可列入傳內
其無傳者將何所歸始欲仿明儒學案及漢學師承記傳
例撮各書大旨為著者立師而書亡
日存及散佚民間未能
搜獲者其日終無所附夫例豈一端亦各有當而已今增
立紀文例師章氏文徵而範圍特異書目必為邑人所著
詩賦文錄必關於本邑建置利病以及古蹟名勝用以佐
紀地紀政紀事紀人之不逮質之於經如六藝之外別有
論語經不可借而
未嘗不可學考之於史如杜佑通典各門之別載禮
論方諸蕭統文選姚氏類纂區以別矣

桂平縣志

例言

八

粵東編譯公司承印

一 援引各書凡言袁志或言袁舊志或但言舊志者皆為道
光間知縣袁湛業所修桂平縣志其言夏志或夏府志或
但稱府志者俱為光緒間知府夏敬頤所修潯州府志外
此俱有專名不能相混其注采訪冊補訪等字
或竟未注者俱屬新增

一 舊志作者固負一方之譽原不欲更動原文以掩其功惟
今時勢變遷綱目既已不同則諸事部居不能無所移易
故保甲鄉規舊志附墟里今入民治各里民情舊志亦附
墟里今入風俗學田膏火舊志在學校今入田賦祀典祭
資舊志為專篇今移與祿餉同卷舊志祀典不能載祭儀僅
列祭資自不能不以此

為本類正文今編祀典已詳載祭儀品物
故移祭資於食貨與祿餉同卷以便稽覽 石灰糞田利

病舊志在物產今入民業諸蠻風土舊志爲專篇今附風俗銅鼓鐵柱舊志俱在雜記今入金石全邑八景舊志亦在雜記今附古蹟之後至如人物舊志分賢能良善辭章耆壽列女今爲賢能師儒文學果行者耆壽列女而殿以楊蕭章石諸人爲類既殊故其中移易尤多今略爲揭出俾閱者於新志中略窺舊志面目舊志序例目錄詳記文書目錄內可參看

一纂修得失視去取當否昔朱竹垞喜臨安志詳紀曉嵐美澉水志簡其實志之優劣不在乎是比而較之則與其失於簡毋寧過於詳澉水志外有朝邑縣志二卷二十四頁曉嵐謂其不可無一不容有二則紀亦

非專以簡爲貴前論縣志列傳宜寬於正史猶是各方通則就桂

桂平縣志

例言

九

粵東編譯公司承印

平論更有不能簡者舊志賅要絕無支蔓而卷數十有六頁數三百七十有六若不問是非而惟簡是務則必遠師澉水其書不過四十有四頁於舊志已不能容何況新增各事不能簡者一先輩遺集多數板燬言天下之治亂猶可節刪記桑榆之利病焉可輟錄不能簡者二士務眞修不求文以顯譽故行述壽序之作無多俗重風水遷葬無恒故碑誌墓銘之刻亦少所藉以流傳盛德者除邑志無他書不能簡者三同光而後國故發舒光宣新學載馳載驅選擇而載猶苦書胥不能簡者四是編之作固不敢徇情濫登更未敢任意抹煞世有疑者願鑒斯言

一志例隨作者異同攷據義理詞章小說家數攸分輕重斯別要以折衷於經史者近是然文體當無一定夫詩書易禮春秋之文固各自爲體而馬遷史記亦後濃淡兼備莊趣雜出滙萃衆流不拘一派況志乘中山川景物鄉土雜記壇廟亭閣橋梁之屬於正史中見者殊少則稗官外史之作暨陳留風俗荆楚歲時南方草木之狀洛陽伽藍之篇凡如此類多有可師編者但求辭達未暇論文惟不敢以一家繩尺自縛

一修志爲公家著述財用既有定限歲月亦難久延故作者千百傳者殊稀是編隨修隨印並非全稿謄正再三磨勘

桂平縣志

例言

十

粵東編譯公司承印

然後付梓故有心知其非而未及檢正者茲爲舉出如下以待他日再版時更正 一邑人任本境武職者宜列入紀政職官而訪冊登入仕進表致職官內武職姓名寥寥纂時未及檢移翻以武人久任故人數不多爲疑 二祀典專載文廟釋奠釋菜諸儀在今日爲亟不容已纂時但詳錄近制取其完備而逐條沿革適值亂離猶未注出 三紀事下編卷頁繁重宜分析爲二擬自清順治至道光爲中編咸豐以後爲下編與上編共爲三編今猶未果又其中記洪秀全事出纂者口氣當稱洪軍或稱洪黨若錄清朝諭奏宜照錄原文不能竄易此爲記載公例纂時未